



**H**ialto multis uirtutibus insignis, sese in Roluo  
 nis regis Daniæ aulam contulit, atq; cum cæ-  
 teris athletic magna fortitudinis exempla edidit. In  
 ter alios socios amicissimos habebat Biarconē: cuius  
 hortatu sanguinem ursi ab eo interfecti bibit, ut  
 uiribus robustior fieret. Vnde postea inter regios  
 proceres spectatæ probitatis & uirtutis longè præ-  
 eminebat, anno mundi 3210. Accidit aut tandem, cū  
 Roluo insidijs Hiarthuari peteretur, q̄ Hialto rus  
 egressus amasię se cōplexibus dederit. Hic cū obor-  
 tum pugne fragorem stupida procul aure sensisset,  
 fortitudinē luxuriæ prætulit, maluitq; funestū Mar-  
 tis discrimē appetere, q̄ blandis Veneris illecebris

indulgere. Discedentem pellex percunctari cœpit, si ipso careat, cuius ætatis  
 uiro nubere debeat: quam Hialto perinde ac secretius allocuturus, pp̄ius ac-  
 cedere iussam, indignatus amoris sibi successorem requiri, præciso naso defor-  
 mem reddidit, erubescendoq; uulnere libidinosæ percunctationis dictū mul-  
 ctauit, mentis lasciuiam nasi iactura temperandam existimans. Posthæ crepe-  
 tito ocius oppido Lethra, confertissimis se globis immergit, aduersasq; acies  
 mutua uulnerum inflictione prosternit. Cumq; dormientis Biarconis cubicu-  
 lum præteriret, expergisci iussum tali uoce compellat:

Ocius euigilet quisquis se regis amicum